

# Bájkkeavijssa NuorttaSálto

Tæksta: Kitty Skapalen  
Järggálibme: I dar Kintel

Allaskávlå  
Nesnan lij  
Divtasvuonan  
ávdep vahko  
vuostasj  
juohkusijn, 7  
studentaj  
áhpadusfálaldagán  
«Sáme  
kultuvrradiehto».  
Ájggomus lij  
buorebut  
julevsáme  
kultuvrajn  
dåbdijdit.



**Sáme kulturdiehto ássjen:** Gåro bieles: Kursa njunnusj Hans P. Dahl-Hansen, fáhkaávdásvåstediddje Jostein Lorås, Ida Grini Jentoft, Ronald Johnsen, Jonas Slettvoll, ávddån gåro bieles; Hanni Mosenden og Stein Bjørgen. Erling Urheim ij lim danna gå gávvin.

**Samisk kulturkunnskap på agendaen:** Fra venstre: Leder for kurset Hans P. Dahl-Hansen, fagansvarlig Jostein Lorås, Ida Grini Jentoft, Ronald Johnsen, Jonas Slettvoll, fremme fra venstre; Hanni Mosenden og Stein Bjørgen. Erling Urheim var ikke tilstede da bildet ble tatt.

Áhpadibme kurssa-tjáhkanimáhpadasáv tjuovvu, gånna arkeologasj, geografalasj ja histåvrålasj tiemå tjadåduvvi, ja sáme sebrudakdille ja antropologasj tiemå gávviduvvi. Áhpadibme le bielleájgeáhpadas mij 2 jahkebielij badjel tjadåduvvå, 30 oahppotjuokka vaddå ja tjadåduvvå 6 kurssatjáhkanimij skåvlåjagen. - Mij tjalmstahhtep daj moattelågås sáme birrasijt ja juohkusijt, ja daj moattelågås kultuvralasj ávddånbuktemijt, javllå fáhkaávdásvåstediddje Jostein Lorås. Áhpadas máhtudagáv vaddå sáme dilij birra dålås- ja dålusájgen, ja le fålaldahka juohkahattaj dábålasj oahppomáhtudagáj. Áhpadas gárvet sáme tiemåj áhpadibmáj, duon dán dåsen vuodoskåvlån ja joarkkaskåvlån.

Dånna Divtasvuonan lagåbuv sihtap merrasáme kultuvrav guoradallat, ja mijå mielas Árran ja Måsske buoragit dav gávvidi, javllå áhpadaså njunnusj Hans P. Dahl-Hansen. Árranin arkeologa Oddmund Andersen lågådåljå aktisasjuoda Norrøna ja sáme sebrudagå gaskan birrusij 900 jagijs 1700 jagijda, ja juogos aj oattjoj oahpestimev kultuvrraguovdåtjin. Una Elstad sáhkadij kulturmujttobargo birra julevsáme guovlon, ávddål juogos Måsskåj manådij. Dånna guossoduvvin sáme biebmojn Lillian Urheimas, guhti aj sáhkadij duoje birra ja daj iesjge?galågås gápptedåbij birra. Mikal Urheim lågådåljå duola dagu sijdda-årniga birra ja dåbij birra dáj guovlojn.

- Lij viehka sierralågås ja suohtas dav stuorra væhttsåsvuodav iejvvit majt Måskan iejvvijma, javllå Lorås. - Suohtas le midjij nav lahka boahtet ulmuttijda oalle sáme birrasin, ja midjij le åjnas áhpadibme gånna bessap njuolggå gatjådit, aktan sågastit ja vuojnet gaktu ulmutja viessu,

# Allaskávlå Nesnan kurssatjáhkanimen Divtasvuonan

javllå Lorås. Manon Divtasvuonan studenta aj oahpåsuvvin sáme tsieggimvuogijda gierggeájges gitta dålås åjggåj.

Áhpadasån li sáme ja dåtja oahppe, ja gájka li náv guhkås viehka dudålattja tjadådimijn. Ida Grini Jentoft návti javllå: - Mujna lij binnå ávddåmáhtudahka sáme kultuvra birra, ja muv mielas ij la buorre gå ep la ienebuv sáme kultuvra birra skåvlån oahppam. - Le midjij nav lahka, valla ajtu nav binnåv diehtep, duoddis sån. Ronald Johansen áhpadiddjen barggå ja návti javllå: «Sáme kultuvra le ållu åjggeguovdelis gå ådå Finnmårkolågav åjådallap, valla aj máhttolåpptimin gånna sáme kulturdiehto le oassen ådå oahppoplånain vuodoskåvlån ja joarkkaskåvlån, javllå sån. Fågalasj luohkkogirjås «Gåvnos» le vuodoáhpadime áhpadiddjijda

nasjonålasj oahppoplåna sáme sisano bargguj dagådum.

Áhpadas gåbddsåit sáme ja dåtja studentajt gæsot. Lisa Maria Renfjell Hennesas le iesj ællosåbme ja suv mielas le buorre ådåsmåhttet máhtudagáv majt ávddåla le oahppam.

- Mån lev dårogielak skåvlåv vådtsåm, valla dånna ienebuv oattjov oahppat muv fuolke histåvrå birra, javllå sån.

Divna studentaj mielas le suohtas ålgus boahtet sáme birrasij, iejvvit ulmuttijt ietjå bájkijs ja áhpadimev ålgus vålldet, ja ij dåssju auditåvrån áhpaduvvat.

- Gårvidus skåvlås Nesnan le buorre, gå li nahkam aktidit bájkalasj bájkijs áhpadasáv ja sæmmi båtå li læhkåm lågådalle Råmså universitehtas, javlli.

Áhpadaså ulmmejuogos li almulasj

virgålattja, studenta, dájddaberustiddje ja organisåsjåvnå, ja ulmme le vaddet vuodamåhtudagáv sáme åssijn. Áhpadas galggå máhtudagáv vaddet bargatjit sáme åssij vuodoskåvlån, ja ratjåduvvå galggi vuosådallat moattelågås sáme birrasijt Nordlåndan. Studenta njuolggå Vardobåjkes Skånes Divtasvuodnaj båhtin, ja li ávddåla oahpåsuvvam oarjjesáme birrasijn Majavatnen ja bihtåmsáme kultuvrajn Saltalan. Jåhkedahthe ma?emus kurssatjáhkanimen Jåhkåmåhkkåj jali Stockholmaj biejaduvvå.

- Muv mielas li sáme ja dårogielak subtsasa muodugattja, sjabmot Hanni Mosenden Lesjas Gudbrandsdales. Moaddåsa studentajns miehtse kulturmujtojs berusti, ja aj politihkalasj gatjålvisåjs ma li daj moattelågås sáme birrasijda tjånåduvvam.